

Հ Ա Շ Վ Ե Տ Վ ՈՒ Թ Յ ՈՒ Ն

2023թ. մայիսի 7-10-ը Արաբական Միացյալ Էմիրություններ՝ Աբու Դաբի քաղաք
կատարած գործուղման արդյունքների մասին

1. Անունը, ազգանունը, զբաղեցրած պաշտոնը

Վահան Քերոբյան, ՀՀ Էկոնոմիկայի նախարար

2. Գործուղման վայրը և ժամկետները՝

Արաբական Միացյալ Էմիրություններ, ք. Աբու Դաբի, 2023թ. մայիսի 7-10-ը

3. Հրավիրող կողմը՝

ԱՄԷ Արդյունաբերության և բարձր տեխնոլոգիաների նախարարություն

4. Գործուղման նպատակը՝

Մասնակցություն «Ամենամյա ներդրումային համաժողով - 2023» (այսուհետ՝ AIM -2023)
միջոցառմանը

5. Քննարկված թեմաները՝

- օտարերկրյա ներդրումների խթանում և ներգրավում
- ներդրումային քաղաքականության մշակում
- բազմաշահառուների փոխգործակցություն և փոխազդեցություն
- ներդրումային միտումներ ու ռազմավարություններ, որոնք կարող են օգտագործվել բիզնեսի, երկրի և տարածաշրջանի ներուժն առավելագույնի հասցնելու համար:

6. Հանդիպումները, ելույթները, բարձրացված կամ քննարկված հարցերը՝

«Ամենամյա ներդրումային համաժողով - 2023»՝ առաջատար ներդրումային համաժողովի հիմնական նպատակն էր խթանել նորարարությունն ու տնտեսական աճն ամբողջ աշխարհում, փոխանակել գաղափարներ և հաստատել նոր գործընկերություն:

Միջոցառմանը մասնակցեցին ԱՄԷ և մի շարք օտարերկրյա պետությունների պետական կառույցների ներկայացուցիչներ և բազմաթիվ հեղինակավոր ներդրողներ, ձեռներեցներ: Մասնակիցները հնարավորություն ունեցան ծանոթանալու տարբեր ոլորտներում ներդրումների վերջին միտումների և հնարավորությունների հետ, ինչպես նաև երկրների զարգացման ճանապարհին բախվող հիմնարար առդի մարտահրավերներին:

Համաժողովի շրջանակներում «Էնթերփրայզ Արմենիա»-ի կողմից կազմակերպվեց Հայաստանի ներդրումային դաշտին նվիրված միջոցառում: Վերջինիս բացման խոսքով հանդես եկան Արաբական Միացյալ Էմիրություններում ՀՀ արտակարգ և լիազոր դեսպան Կարեն Գրիգորյանը և ՀՀ Էկոնոմիկայի նախարար Վահան Քերոբյանը: Հանդիպմանը ներկա էին ներդրողներ, գործարարներ, ներդրումների խրախուսման և միջազգային կառույցների ներկայացուցիչներ աշխարհի տարբեր երկրներից: Շնորհանդեսի միջոցով հանդիպման մասնակիցները ծանոթացան Հայաստանի ներդրումային դաշտին ու գործարար հնարավորություններին, օտարերկրյա ներդրողներին տրամադրվող պետական խթանների և արտոնությունների համակարգին, տնտեսության առանձին ճյուղերում ներդրումներ կատարելու առավելություններին: Շնորհանդեսի առանցքային նպատակն էր օտարերկրյա գործարար համայնքի շրջանում բարձրացնել Հայաստանի՝ որպես գրավիչ ներդրումային ուղղության մասին իրազեկվածությունը, հաստատել նոր կապեր օտարերկրյա ներդրողների և գործընկեր կառույցների հետ:

ՀՀ Էկոնոմիկայի նախարար Վահան Քերոբյանը՝ Աբու Դաբիում կազմակերպված համաժողովի շրջանակներում մասնակցեց մի շարք միջոցառումների և հանդիպումների ու ներկայացրեց Հայաստանի ներդրումային հնարավորություններն ու տնտեսական միջավայրը, ինչպես նաև նպատակային ներդրողների հետ քննարկեց հնարավոր

փոխգործակցության ձևաչափը: ՀՀ էկոնոմիկայի նախարար Վահան Քերոբյանն՝ ի թիվս այլ հանդիպումների, հանդիպեց նաև ԱՄԷ արտաքին առևտրի պետական նախարար Ն.Գ. Թանի բին Ահմեդ Ալ Ջեյուդին, որի ընթացքում կողմերը քննարկեցին երկկողմ առևտրատնտեսական հարաբերությունների հետագա զարգացման հնարավորությունները: ՀՀ էկոնոմիկայի նախարար Վ. Քերոբյանը՝ հայկական տաղավարում շրջեց Լիբանանի էկոնոմիկայի նախարար Ամին Սալամի հետ. հյուրին ծանոթացրեց տաղավարում ներկայացված մասնավոր նախագծերի հետ, միաժամանակ կողմերը քննարկեցին Հայաստանի և Լիբանանի միջև առևտրատնտեսական հարաբերությունները զարգացնելու հնարավորությունները:

Հայաստանի տաղավարում հյուրընկալվեց նաև Հորդանանի Հաշիմյան Թագավորության ներդրումների նախարար Ն.Գ. տիկին Խուլուդ Ալ-Սաքքիֆը: Հանդիպման ընթացքում կողմերը ընդգծեցին երկկողմ ներդրումային հարաբերությունների ակտիվացմանն ուղղությամբ իրականացվող համատեղ քայլերի շարունակականությունը:

ԱՄԷ այցի ընթացքում Նախարար Քերոբյանը նաև մասնակցեց տնտեսական աճի ապահովման նպատակով խոշոր ներդրումների ներգրավման վերաբերյալ պանելային քննարկմանը, որի ընթացքում կարևորվեց Հայաստանի համար աննախադեպ տնտեսական աճի ցուցանիշները: Մասնակիցներին ներկայացվեց Հայաստանի ներդրումային միջավայրը՝ ՀՀ կառավարության կողմից որդեգրած քաղաքականությունն օտարերկրյա ներդրումներ ներգրավելու նպատակով:

Ներդրումների ներգրավման և միջազգային համագործակցության խթանման նպատակով հանդիպումներ են անցկացվել նաև Ներդրումների խթանման գործակալությունների համաշխարհային ասոցիացիայի, ՄԱԿ-ի Առևտրի և զարգացման համաժողովի, “Global Data” ընկերության, Էմիրությունների ներդրումային գործակալության և Քուվեյթի ուղղակի ներդրումների խթանման գործակալության պաշտոնյաների և ոլորտային պատասխանատուների հետ:

ԱՄԷ մայրաքաղաք Աբու Դաբիում անցկացված «Ամենամյա ներդրումային համաժողովի» շրջանակներում «Էնթերփրայզ Արմենիա» հիմնադրամն արժանացել է մրցանակի՝

ճանաչվելով տարածաշրջանի (Կենտրոնական Ասիա, Կովկաս և ՌԴ) լավագույն ներդրումային ծրագրերով գործակալություն:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Համաժողովի վերջին օրը՝ մայիսի 10-ին, ԱՄԷ Հանդուրժողականության և համակեցության նախարարության և ՀՀ աշխատանքի և սոցիալական հարցերի նախարարության միջև կնքվել է հանդուրժողականության ոլորտում փորձի փոխանակման մասին փոխըմբռնման հուշագիր:

8. Ստորագրությունը, ամսաթիվը՝

15.05.2023թ.



Հավելված N 2
ՀՀ վարչապետի 2023 թվականի մարտի 23-ի
N 326-Ն որոշման

Հավելված N 3
ՀՀ վարչապետի 2018 թվականի
սեպտեմբերի 19-ի N 1230-Ն որոշման

Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԾԱԽՍԵՐԻ ՆԱԽԱՀԱՇՎԱՐԿԻ ՄԱՍԻՆ

1. Մարմնի անվանումը՝ ՀՀ էկոնոմիկայի նախարարություն
2. Գործուղման մասին իրավական ակտի համարը՝ ՀՀ վարչապետի N 479-Ա որոշում առ 04.05.2023թ
3. Անունը, ազգանունը, զբաղեցրած պաշտոնը (մասնագիտությունը)՝
Վահան Քերոբյան- ՀՀ էկոնոմիկայի նախարար

(թվարկել՝ պատվիրակություն գործուղելու դեպքում)

4. Գործուղման վայրը՝ Արաբական Միացյալ Էմիրություններ (Աբու Դաբի)
5. Գործուղման ժամկետները՝ 2023 թվականի մայիսի 7-10-ը
6. Գործուղման ծախսերի ֆինանսավորման աղբյուրը՝ Հայաստանի Հանրապետության 2023 թվականի պետական բյուջեով արտասահմանյան պաշտոնական գործուղումների համար նախատեսված միջոցների հաշվին:

1) իրավիրող կողմի միջոցների հաշվին հատուցվող ծախսերը
(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը
(ՀՀ կառավարության 2005 թվականի դեկտեմբերի 29-ի N 2335-Ն որոշմանը
համապատասխան)

(ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝
դրանցով սահմանված չափով, բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի
կատարված ծախսերի հատուցման պահանջի համաձայն

Ծախսի տեսակը		Վահան Քերոբյան	Ընդամենը (դրամ)
Ճանապարհա ծախս	Ավիաճառայության տեսակը (էկոնոմ դաս, բիզնես դաս)	էկոնոմ դաս	
	Ավիատոմսի արժեքը (դրամ)	296,000	296,000
Գիշերավ արձ	Վճարը 1 օրվա համար (արտարժույթով, USD)-60%		
	Վճարը 1 օրվա համար (դրամ)		
	Օրերի քանակը		
	Ընդամենը (դրամ)		
Օրապահիկ	Վճարը 1 օրվա համար (արտարժույթով, USD)	145	
	Վճարը 1 օրվա համար (դրամ)	56,021	
	Օրերի քանակը	4	
	Ընդամենը (դրամ)	224,083	224,083
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար		
	Այլ ծախսեր (նկարագրել)		
Ընդամենը ծախսեր (դրամ)		520,083	520,083

1\$=386.35

Գլխավոր քարտուղար

/Գլխավոր ֆինանսիստ/



ԿԱՐԵՆ ՍԱՐԳՍՅԱՆ

Ֆինանսական և հաշվապահական

հաշվառման վարչության պետ՝ _____ Գայանե Աթոյան

Հաշվապահական հաշվառման և հաշվետվությունների

բաժնի ավագ հաշվապահ՝ _____ Էլեն Հովսեփյան